

Jennifer Piter ta gana plata den hisamento di peso



ORANJESTAD - Recientemente e atleta di pesas, Jennifer Piter ta logra medaya di Plata den e World Masters Weightlifting Championship na Montreal, Canada.

Algun rato pasa e atleta di pesas, Jennifer Piter a caba di competi na Canada. Jennifer a haci

72kg snatch y 91kg den clean and jerk tur 6 prueba bon. Esaki tabata bon pa un medaya di Plata pa Aruba den e Mundial di Masters. Esaki ta segun e fuente 297 sports.

Jennifer Piter pa hopi aña tabata un di Aruba su top atletanan di pesas y a sa na representa nos bandera varios biaha den exterior.



Landamento artistico a logra medaya historico



ORANJESTAD – Recientemente a tuma luga un momento historico y bunita alabes, na unda cu e atletanan landamento artistico consisti di e duet Mikayla Morales y Avigayle Tromp hunto cu reserve Angelina Hamoen ricibi nan medaya di Brons den e 2019 UANA Artistic Swimming Championship. Esaki ta prome biaha cu Aruba a logra un medaya den e categoria di edad 13 - 15 aña. Esaki ta Aruba su prome medaya, un Brons den e competencia di UANA den e edad ey. Esaki ta segun e fuente 297 Sports.

Ethan Ridderstap rumbo pa The King's Academy

ORANJESTAD - Pelotero Ethan Ridderstap rumbo pa The King's Academy na Seymour, Tennessee.

Ethan tambe lo join e mesun scol pelotero Nazhir Bergen caminda cu e lo haci su high school cu College/University Preparatory and Advanced High School/Secondary diploma Program.

Un pabien grandi ta bay na Ethan y su mayornan, y famia Ridderstap completo cu e tremendo oportunidad aki y sin lubida Conrad Orman hunto cu CEO 58 Aruba, Adrian "D65" Hernandez y Antonio Albertsz y Sr. Claudio Rico. Esaki ta segun e fuente Sports Zone Aruba

